

徽

高

詩

書



五



日

徽高詩
書
王
甘
著



薇齋詩目錄

陳蕾士

古體

瑞士依門司白冷書院曉起

十五

遊各特干冬湖

登比拉都士峯

十六

贈別鄭成勳兄

林千石君繪贈蘭石賦此以報

十七

心安處

七夕

十八

埃及觀人面獅身石像口占
羅馬聖卡里斯多地穴吊古

參觀巴黎盧浮宮畫展

葵園老人詞集讀後

黑人行

閱報有感

蔴坡酒樓雅集歌以助興

留別日本

歐歸重晤蔡夢老于檳榔嶼賦贈

檳榔嶼香山寺為法舫和尚彈琴

十九

二十

廿二

廿三

廿四

廿五

廿七

廿八

律詩

題蔡夢老巫峽圖

悼法舫和尚

倫敦夜登格林威治天文臺

訪張逸老

橐筆

巴黎書感

漫遊

梵蒂岡聖伯鐸祿大教堂參祭禮

彈琴

廿九

三十

卅二

卅三

卅四

卅五

登金馬崙高原

登富士山

爆竹二首

桃源樂館聽南曲

食沙爹

歐歸講學檳島承同仁邀赴春宴卽席成此

極樂寺贈伯圓和尚

聽琴

葵廬雅集兼為葵老祝壽

椰隄小紀

卅六

卅七

卅八

卅九

四十

四一

臨池

四二

絕句

留別

四三

海濱晚眺

瑞士乘吊車上必根立山

登琉森湖邊樓

四四

比拉都士山卽事

馬柔爾湖隄步歸

四五

重遊各特干冬湖

哥達高原初冬

萊因河邊

四六

巴黎夜總會

拿破崙墓

四七

吊茶花女墓

展小仲馬墓

有寄

四八

端陽歐洲客中感作

不列顛博物院攷周鐘

四九

歸航遇風

利巴利羣島軍港

西西里憶希德拉

五十

暮冬船過希臘境二首

舟行地中海

五一

蘇彝士運河

紅海船中晚眺有感

五二

紅海懷古

歐歸船過紅海進印度洋閒眺

瓜達夫伊角舟上曉望

五三

長途船中無聊

舟達印度洋苦熱

五四

馬來亞登庇能山

秋遊

看蔡夢老畫山水

題夢老畫山水二首

聞盲公笛二首

江樓卽事

圖書館檢閱史籍

客興

答友人談時局

重蒞馬六甲紫燕宮歌臺

五五

五六

五七

五八

論詩二首

昌乾兄繪贈山水賦報二首

村齋偶成

偶感

客窗自遣二首

自題羅馬紀遊詩卷

戰後舟次書所見

題宮女調箏圖

赴日飛機中

東京下機

五九

六十

六一

六二

六三

夜寒

銀座用膳

宮城

東洋音樂學會主辦古箏獨奏會

港區

理容

國會衆議堂

淺草寺

坐列車

明治神宮

六四

六五

六六

六七

布廠

北苑講道堂

靖泉亭

早稻田茶館

新宿苑

不忍池

東照宮

看月球泥土

琉球上空機中口占

暑假二首

六八

六九

七十

七一

遊台灣日月潭八首

教師節偶感二首

韓都遊故宮

仁川港西眺

漢城孔廟

逛書畫筆墨市場

國立國樂院彈箏

韓人索書者甚衆

偕漢城儒學會長梁大淵教授遊城郊二首

日本故都奈良

七三

七四

七五

七六

七七

天理市天理教祭典

遊東大寺

奈良寶物殿

春日大社

京都

京都金澤途中

金澤舊藩侯邑

天德院

偕梁在平教授訪金澤承鈴木君殷勤招待

宿山莊

八十

七九

七八

大阪賦歸

八一

薇齋詩

陳蕾士

古體

瑞士依門司白冷書院曉起

古簾掛巉巖。殘月映雪渚。曉起鐘聲寒。四山
飛煙霧。天堂雖未登。已在雲中住。

遊各特干冬湖

白雲泛碧空。倒影入晴湖。盪舟綠波裏。恍在
天上趨。環湖試縱目。峻嶺接雲衢。濃霧隱山

脚。層峯浮太虛。涼風來水面。颯颯拂襟裾。
何須慕羽化。飄然已忘軀。

登比拉都士峯

策杖探雪峯。直上三千味。天風吼耳邊。浮雲
繞脚底。斜日照冰巖。金光難逼視。曲澗流碎
冰。琅然琴韻起。雲隙山下窺。大湖盆而已。

贈別鄭成勛兄

三疊鳴素琴。為送素心客。曲終酒更陳。莫辭

醉今夕。明旦欲尋君。盈盈一水隔。

林千石君繪贈蘭石賦此以報

紙薄情何厚。拜領感莫釋。幽蘭見素心。一石
如千石。真是我友兄。願永共晨夕。

心安處

瑞士好湖山。熟視若無覩。巴黎號花都。久居
亦煩苦。頓悟天地間。別有真樂土。樂土在何
方。只在心安處。

七夕

易晤事何奇。難逢情乃摯。宵宵得長聚。無乃多煩膩。七夕一相逢。千秋傳故事。正因久別離。所以情味異。銀河水滔滔。半是悲喜淚。

埃及觀人面獅身石像口占

尼羅水濺濺。平沙漠漠煙。不遠險途三萬里。來瞻巨像五千年。

羅馬聖卡里斯多地穴吊古

攝衣持燭入地穴。陰氣襲人膽欲裂。窄磴下紆通死牢。墓洞層層骨如雪。幽窖似聞聖徒聲。碧泥猶凝殉道血。二千年來慘迹新。壯志寧為獅口折。福音依舊播人寰。奈羅未把耶教滅。喟然拾級出古墟。漫天風雨正淒切。

參觀巴黎盧浮宮畫展

開天闢地筆一枝。堪與造化神奇較高低。千里萬里收尺幅。何殊芥子納須彌。人間百態如畫幅。幅幅使人眼欲迷。看罷畫幅看人生。孰暫

孰久孰真孰幻誰能知。古今人境多瘡痍。能創
仙境惟畫師。下筆閩苑瑤臺宛在茲。吁嗟乎。
閩苑瑤臺宛在茲。挾仙抱月原難期。何不以神
遊之畫裏且怡怡。

葵園老人詞集讀後

齋窗風竹夜蕭蕭。一燈兀坐百無聊。信手翻看
葵園集。拍案叫絕驚睡貓。葵園老人何曾老。
墨香筆艷心思巧。評價無須待終篇。乍開首頁
便喊好。目錄琳琅三百條。時下詞家應嚇倒。

先從上集注雙眸。字句清麗復溫柔。格調何止
追朱厲。丰神直欲逼柳周。繼披下集仔細讀。
作風一變新耳目。忽將深義託淺辭。盡掃浮華
歸古樸。全集從頭再翻披。分明宋後筆一枝。
小令雖小饒神韻。更於小處見精思。朗比秋山
初月上。巧如春樹新鶯啼。長調浩瀚具奇氣。
才江學海波濤沸。九廟黃鍾次第鳴。萬壑松風
一時至。不覺點頭發讚嘆。馬華文化本沙灘。
今日詞壇誕此集。應令世賢刮目看。卷端又冠
李君序。李君雅客無俗語。辭藻之間存肺肝。

廿二
難得天涯雙絕侶。讀罷心中有餘甜。掩卷卷面見題簽。題簽居然出我手。佛頭着糞寧無嫌。翰墨因緣由來重。七載琴樽相與共。鄭君作詞李君詩。丹絨風月競吟弄。聞昔竹林七逸民。樂事賞心趁良辰。山陽至今傳韻事。倏忽已是千年身。我儕雅尚今猶昔。何妨自我作古人。安知再過千年後。無人豔說鄭李陳。

黑人行

黑色如可惡。何有摩挲白髮傷遲暮。黑色如算

醜。何有豪家黑色汽車滿街走。黑色既為世所珍。何能偏輕黑種人。聞說非洲黑人苦。白人任意加欺侮。又聞美洲之學生。白人黑人成炭冰。天生黑皮有何罪。白皮之人未免太薄情。我歌至此殊惻惻。世人觀人祇解觀形式。須知黑皮心坦白。勝於白皮心肝黑。

閱報有感

袒胸露乳是摩登。氫彈爆炸是文明。却把野蠻譏古代。我欲因之喊不平。賢者於世有何補。

廿四
愈多智慧愈愚魯。英雄誇說救蒼生。越救越增
蒼生苦。報章閱罷發浩歌。現時笑話何其多。
世人競精殺人術。自殺之外更甚麼。

蘇坡酒樓雅集歌以助興

君不見百歲光陰一擲梭。朱顏倏忽鬢已皤。孔
丘盜跖骨俱朽。有酒不醉欲如何。況得羣賢同
把盞。一樓風月傍蘇河。座上客。聽我歌。何
時何地無風波。紛紛俗輩落漩渦。惟有達者會
此意。良宵樂醉笑呵呵。醉來咳唾成珠玉。千

載流傳韻事多。唐有李太白。宋有蘇東坡。桃
李園中赤壁下。及時行樂不蹉跎。一觴復一咏
。一咏一婆娑。今夕當嘉會。肯讓古人麼。諸
君杯須乾。我已臉全酡。筆快拈。墨快磨。醉
裏眼前皆詩料。好攝天地入吟哦。

留別日本

君不見廿五年前說東京。滿腔怒火忽地升。又
不見廿五年後談日本。結伴觀光咸恨晚。毋亦
親鄰鄰亦親。黷武由來自招損。我本天涯一散

人。名邦每喜駐遊輪。此地千秋存漢化。有意
一遊豈無因。偏擇冬季盛裝至。凜冽風霜樂嘗
試。新鮮事物啓吟思。下筆成詩代日記。博物
館中雅興多。商彝周鼎任觀摩。今古奇珍紛陳
列。東西藝術盡包羅。十日遍觀衆寶物。園林
幽勝經搜掘。靖泉莊裏讀殘碑。淺草寺前摸古
佛。更赴皇城瞻銀宮。御濠濠畔柳搖風。石橋
數曲線條妙。木闕雙層氣勢雄。日日名區脚步
疾。列車地洞忙出入。舞團固已徹宵觀。鐵塔
亦曾尖頂立。訪遊半月識漸深。日人治事具耐

心。戰敗迄今時尚短。化弱為強誠可欽。只憾
旅期不能久。彷彿看花騎馬走。機場賦別兩依
依。富士寒士竟為友。

歐歸重晤蔡夢老于檳榔嶼賦贈

世濁何妨心自爽。地窄何妨心自廣。滾滾檳江
江上月。照見幽人獨來往。我亦漫遊偶停驂。
海角幾人可與談。蕉窗一夕盡今古。醇醪未飲
心已酣。笑吾曩抱乘風志。萬里曾經看百戲。
歸來一夢萬象空。來時去時無二致。先生不用

費舟車。胸中早已囊天地。古來聖賢雖云多。
達道而外更有何。南山相值笑呵呵。為君一歌
白雲歌。

檳榔嶼香山寺為法舫和尚彈琴

香山寺後山蒼蒼。香山寺前水茫茫。無邊清景
卓海嶠。名士高僧來四方。我素喜遊厭羅綺。
抱琴幾度涉重洋。南趨埃及瞻金塔。北詣柏林
吊戰場。千金散盡猶狂狷。萬里歸來笑黃梁。
可憐北望劫塵瀾。十載中原幾滄桑。牛李紛爭

池魚死。英雄不恤萬民殃。炎荒難得好山水。
却將檳嶼比天堂。高僧相對宜操縵。一曲水仙
引鳳凰。慈悲妙諦蘊梵典。和平氣息在琴囊。
廣長舌本無定相。法音琴韻同鏗鏘。共鳴別有
心絃在。儒冠僧鉢兩相忘。

題蔡夢老巫峽圖

杜老秋興詩巫峽。夢老秋興圖巫峽。水寒山瘦
木蕭森。幽奇盡赴筆底押。千仞斷崖起雲根。
南山北山一水分。兒時聽慣盤古事。於今宛見

巨斧痕。

悼法舫和尚

招我遊天竺。萬里投尺牘。欣然欲治裝。和尚死何速。吁嗟乎。和尚死何速。登高西望雙眉蹙。印度洋裏水茫茫。巨浪拍天魚龍哭。記得去秋檳島逢。蕉窗為子理絲桐。彈到音生絃外處。琴心禪意兩相通。同是物外雲遊客。無端聚散隨天風。獨駕法舫搖法檣。遠渡異域鳴鐘鼓。白馬投荒非求經。大乘倒傳入西土。二千

年來梵音微。狂瀾欲作中流柱。恒河重教法花飛。維摩又見天女舞。我亦抱琴走人間。願借妙音消災苦。仁術殊途總同歸。和平聲韻播寰宇。吁嗟乎。今晨甫接朵雲來。卽夕已傳體成灰。可憐覆簡空草就。徬徨無計寄泉臺。

律詩

倫敦夜登格林威治天文臺

獨上天文臺。蒼冥眼底開。小星比巨嶽。大地祇微埃。一宿芒初發。萬年光始來。人生百歲耳。何事苦相摧。

訪張逸老

星島一為別。十年事可嗟。紅羊幾海內。白髮猶天涯。愧乏匡時策。來尋處士家。相逢笑無語。置酒賞曇花。

橐筆

橐筆走天涯。栖栖歲月賒。惟欣舌尚在。終憾路多叉。費煞一心苦。換來兩鬢花。青衫常濕淚。非為聽琵琶。

巴黎書感

驅車直出凱旋門。石壁龍駒勢欲奔。酒市幾人能醒腦。花都惟我不銷魂。金城終陷馬奇諾。霸夢空勞拿破崙。一笑放歌登鐵塔。悠然俯仰盡乾坤。

漫遊

三萬里來冒石尤。非洲過了又歐洲。戲將小志
 譏宗慤。敢以多聞傲孔丘。題壁墨留金字塔。
 鼓琴聲播教皇樓。天涯跋涉渾閒事。早把吾廬
 看地球。

梵蒂岡聖伯鐸祿大教堂參祭禮

大殿巍峨拱巨欄。中庭古碣聳雲端。樓高似覺
 升天易。人小方知佔地寬。四壁輝煌迷繪刻。
 滿堂嘹唳醉歌彈。壇前俯伏無差等。乞丐君王

總一般。

彈琴

一琴萬里伴征鞍。慣向高臺縱指彈。但為胸中
 消壘塊。何妨絃外起波瀾。餘音能令羣山響。
 古調不求四座歡。往往月明人靜後。松風謾謾
 到更殘。

登金馬崙高原

輾破高原卅里苔。汽車百折上層崑。寒颿直欲

攝人去。舞蝶居然迎客來。滿地草氈何用織。
夾途花苑不須栽。天涯此處亦堪老。豈必富春
舊釣臺。

登富士山

一山兀突入層雲。四國九州此最尊。巨口朝天
同鼎鼎。羣巒繞膝似兒孫。絕巔白雪披綿帽。
近麓綠湖列玉盆。獨立峯頭小天下。人間萬事
不須論。

爆竹二首

千載誰來劇陋風。容它歲旦騙兒童。怒燥飛處
情殊險。繁響聒人耳欲聾。藏藥若非心已黑。
加裝何用臉常紅。寄言世上梟雄輩。碎骨粉身
一例中。

重拾童心未有方。一聽爆竹一徬徨。偶因亂炸
憶酣戰。每向飛芒感逝光。結黨竟然多起鬪。
趨炎毋乃徒招亡。從中更悟養生訣。暴跳如雷
祇自戕。

桃源樂館聽南曲

樂事不虛此一尋。桃源四老聽南音。崑山遺響賞紆韻。吳郡餘風愛緩吟。低調洵宜和鳳管。亢腔更合叶胡琴。周郎顧曲余論曲。雅趣何嘗異古今。

食沙爹

遊次忽思償宿饒。沙爹檔口一停驂。炙爐未起香先溢。醬碟略濡味倍甘。大嚼無分筋與肉。添沽不覺再而三。熊燔鹿脯都難敵。我欲因之

老海南。

歐歸講學板島承同仁邀赴春宴卽席成此
湘簾捲處海天寬。一席春筵敘古歡。已許笙歌陳絳帳。何曾首偕長闌干。千金散盡狂猶在。萬里歸來興未闌。座上斲輪多老手。豪吟莫吝酒杯乾。

極樂寺贈伯圓和尚

鎮日空門門不空。爐旁雋語鬥玲瓏。我無蘇軾

通禪筆。君有了元治學風。寺古能勾泉石客。
人恬厭入綺羅叢。竹房茶淡味偏永。滌盡年來
芥蒂胸。

聽琴

小齋清夜集時賢。有客橫琴向綺筵。一縷幽情
生指下。數聲清韻發絃邊。忽如空谷鳴疏雨。
復變危崖瀉急泉。已得高山流水意。何須更上
伯牙船。

葵廬雅集兼為葵老祝壽

今夕文星拱壽星。葵園瑞氣溢門庭。合揮我輩
生花筆。來祝此翁似鶴齡。海嶠易看頭漸白。
詞壇難得眼同青。至情吟卷存天地。莫復異鄉
悵水萍。

柳隄小紀

柳隄十里夜風醇。並坐香車夢也真。海內曾傳
驚座客。天涯同是傷心人。三生夙分原無據。
一語相投便已親。談到平生淒豔處。荒江悵望

水粼粼。

臨池

課罷披牋信筆書。方圓轉折意由予。柔姿每自閒中現。雄氣常從醉裏舒。臨帖半生融漢魏。選碑一字重璠璣。毫端欣見雲煙起。未必古人總不如。

絕句

留別

團聚洵堪喜。遠離亦勿傷。乾坤吾室耳。何處是他鄉。

海濱晚眺

天邊霞幻錦。灘際浪翻銀。美景原無主。能閒卽主人。

瑞士乘吊車上必根立山

飛車回首俗塵遙。六月巍峯雪未消。百世名心
渾冷卻。白雲與我共飄飄。

登琉森湖邊樓

荻岸秋聲欲斷魂。更堪山外月黃昏。寒湖東望
盈盈水。難滌征衫舊淚痕。

比拉都士山卽事

短裙溜雪鬢雲鬆。疑是廣寒宮裏逢。千仞冰巖
光刺眼。一時同在最高峯。

馬柔爾湖隄步歸

一派清漪護曲欄。參差入望亂山攢。長隄貪賞
天然美。轉覺無車緩步安。

重遊各特干冬湖

金波十里漾晴暉。一片蒼煙接翠微。幾度臨湖
憶西子。輕舟不載離人歸。

哥達高原初冬

秋盡高原大雪飄。空山萬樹掛冰條。眼中堪作

風霜侶。祇有蒼松不易凋。

萊因河邊

日落萊因萬樹昏。蕭條古堡滯苔痕。磯頭雨後
河流急。直泛歸心到國門。

巴黎夜總會

輕裙過處暗香迷。一路紅燈上玉梯。風送歌聲
溫透骨。乾杯莫負夜巴黎。

拿破崙墓

莫恨當年志未酬。豈知千里血成溝。問君佔得
地多少。祇有葬身一小邱。

吊茶花女墓

霜風瑟瑟雨冥冥。恨結墓門草不青。幾見美人
似花美。似花只在易凋零。

展小仲馬墓

欲賦招魂淚滴塵。與君同是背時身。平生恥備

趨炎筆。不寫英雄寫美人。

有寄

一空暮雨釀輕寒。桌角銀燈照影單。自訝別來
琴韻異。冰絃歷亂不堪彈。

端陽歐州客中感作

幾度端陽劫裏過。臨風東望客愁多。可憐楚國
淪秦日。誰效屈原投汨羅。

不列顛博物院攷周鐘

周代寶鐘得一敲。古音激發巨樓搖。州鳩遺韻
分明在。忘却身居第幾朝。

歸航遇風

風濤浩浩勢奔騰。顛簸通宵睡不酣。獨向此中
尋趣味。宛然赤子臥搖籃。

利巴利羣島軍港

羣島如螺霧未開。叢林遙望誤蒼苔。昔年納粹

森嚴地。多少朦朧化礮灰。

西西里憶希德拉

西西里島亂峯連。百萬德軍喪此邊。霸業已隨流水逝。火山依舊噴濃煙。

暮冬船過希臘境二首

北風一夜三添氈。希臘山頭雪似綿。緬想昔年諸哲士。可曾溫酒鬪詩篇。
差同荷馬飄零身。放眼船樓一愴神。當日海倫

骨應朽。遠山猶似翠眉顰。

舟行地中海

地中海上浪花高。颯颯天風拂客袍。南岸驕陽北岸雪。炎涼世態嘆難逃。

蘇彝士運河

夾岸長林映碧波。李西蒲像仰巍峨。一刀劈破蘇彝士。歐亞交通賴此河。

紅海船中晚眺有感

紅海居然海盡紅。開羅遙望夕陽中。當年會議
人何在。空說風雲一世雄。

紅海懷古

梅瑟曾將海水分。法勞此地沒三軍。試抽遠鏡
船樓望。西奈山巔積白雲。

歐歸船過紅海進印度洋閒眺

青天碧海一望舒。歐土回頭千里餘。緯度漸低

冬轉夏。卸衣凭檻看飛魚。

瓜達夫伊角舟上曉望

照眼非洲地不毛。海邊石骨利如刀。凌晨船過
夫伊角。笑閱大魚作早操。

長途船中無聊

舟人報達亞丁灣。心急船遲一月閒。經度星洲
差六十。計程猶待過三關。

舟達印度洋苦熱

阿拉伯海水滔滔。沙漠火風熱灼毛。浴罷船樓無箇事。銀匙玉碗試冰糕。

馬來亞登庇能山

獨立危峯意冷然。乾坤何處不籠煙。笑它椰樹偏多事。巨帚高擎欲掃天。

秋遊

水似眼波山似眉。盈盈眉眼繫人思。芳春已負

遊春約。莫負秋英未落時。

看蔡夢老畫山水

捲袖臨牋氣概殊。松窗振筆似騰駒。書生偏有英雄手。掠得江山入畫圖。

題夢老畫山水二首

兀突崔巍勢薄天。春來古雪化清漣。天涯偶動尋幽興。畫取峨嵋到眼前。

無心塗去又塗回。老樹含煙石有苔。畫派何須問南北。化機一片指間來。

聞盲公笛二首

數聲淒笛過江干。隱約指尖百感攢。寄語盲公盲莫怨。人間醜態不堪看。
呻吟未必盡無端。聽罷落梅意更酸。同是街頭摸索者。眼明反覺路非寬。

江樓卽事

半日江樓遣俗煩。讀餘臥聽暮潮喧。清風亦解文章好。偷把新書逐頁翻。

圖書館檢閱史籍

滿架塵籠滿架書。一回檢閱一軒渠。五車青史幾人讀。留得芳名飽蠹魚。

客興

舊都春夢已無憑。酒醒天涯意似冰。剩得秦淮詩一卷。閒翻猶有暗香凝。

答友人談時局

一點地球浮太虛。千秋興廢只須臾。把杯且許吟豪句。何暇管他美與蘇。

重蒞馬六甲紫燕宮歌臺

十載征塵黯客袍。歌臺重訪意蕭騷。當年羣燕飛何處。應築新巢藻井高。

論詩二首

詩佳何必多吟哦。一句能傳詩已多。試以歷朝

千萬卷。方之三百價如何。隨時創格見工夫。步宋趨唐計也愚。若果用辭須據古。時鐘祇合稱銅壺。

昌乾兄繪贈山水賦報二首

丘壑胸中有別裁。峒岑幽境似天開。炎齋一盞懸圖對。萬樹松風拂面來。劫歷紅羊藝轉奇。河山筆筆有沉悲。天涯怕見故鄉景。惹得征人感別離。

村齋偶成

中年情緒淡如何。豪竹哀絲聽已多。却愛斜陽
村外路。兒童牛背唱山歌。

偶感

富翁更冀展宏圖。一代文宗尚讀書。同是棺中
帶不去。書馱亦似守財奴。

客窗自遣二首

猶着巴黎舊客袍。雨蕉風竹夜騷騷。卅年足跡

幾環宇。小隱山齋亦自豪。
銀箏柳下譜幽懷。萬里酣遊志未乖。已有新詞
傳海內。問君何事怨天涯。

自題羅馬紀遊詩卷

羅宮探秘幾人來。笑數千秋蠹與才。散盡黃金
何足惜。古墟拾得好詩回。

戰後舟次書所見

放眼船窗一片秋。蘆花如雪滿汀洲。若非劫後

同多感。野草為何亦白頭。

題宮女調箏圖

春殘宮苑夜沉沉。玉指朱絃寄慨深。別有周郎能顧曲。君王未必是知音。

赴日飛機中

雲海蒼茫飛鳥如。人間何物不鎔銖。機中參透莊周說。幾盡香檳酒一壺。

東京下機

霜風瑟瑟雨淒淒。廿載重披舊雪衣。留日生徒多解事。羽田場畔接飛機。

夜寒

手足夜來凍欲僵。煖爐暗喜近眠床。多年疏試嚴冬味。蓋上層衾憶故鄉。

銀座用膳

一食萬金氣亦豪。西餐銀座弄叉刀。薦杯侍女

秋波溜。眨眨迷人假睫毛。

宮城

千代田間氣象新。天皇宮殿白如銀。御濠濠畔
彎腰柳。亦學日人禮貴賓。

東洋音樂學會主辦古箏獨奏會

弱冠環球曾壯遊。老携玉瑟到瀛洲。泠泠古調
猶驚座。國手多人盡點頭。

港區

矯矯蒼松汨汨泉。公園紀念有栖川。遊車轉過
飯倉路。鐵塔尖尖欲刺天。

理容

妙手理容有麗姝。工精尤見刮鬚鬚。侍兒持鏡
雙邊照。笑問髮型合意無。

國會衆議堂

國會巍巍衆議堂。劫餘有策治瘡瘍。肯因失敗

師前事。苦幹無難廁列強。

淺草寺

淺草寺園鴿子飛。青銅古佛比人肥。殿前一陣寒風起。黃葉紛紛舞夕暉。

坐列車

出遊何用倩人牽。路線披圖自了然。電動列車通四境。匆匆入地復升天。

明治神宮

明治維新傳美談。神宮贏得萬人參。滿園楓葉紅如血。陣陣飛鴉噪曉嵐。

布廠

幾家布廠傍山陂。出品年來競逞奇。豈獨斯民精紡織。路旁枯柳尚搖絲。

北苑講道堂

北苑皇皇講道堂。修齊不講講刀槍。勸君休做

霸王夢。黷武幾人好下場。

靖泉亭

一泓澗水石嵯峨。賣酒山莊雅致多。和服鞠躬腰似柳。靖泉亭裏美人歌。

早稻田茶館

小館喫茶早稻田。學生不釋手中編。天寒水氣唇間出。何用吸煙自吐煙。

新宿苑

新宿御園萬木凋。一湖曉霧未全消。獨登水閣觀詩匾。踏過幾彎小板橋。

不忍池

百畝殘荷不忍池。我來已過賞荷時。流連池畔晚風凜。貪看菊花三兩枝。

東照宮

全座敷金東照宮。浮雕藻井更玲瓏。欲從龕際

瞻真像。上殿脫鞋學古風。

看月球泥土

半寸污泥月裏還。兩週列隊萬人觀。若從世外求真價。糞土黃金總一般。

琉球上空機中口占

東京半月足娛遊。展翼凌空出九州。俯瞰滄溟三萬尺。浮萍數片是琉球。

暑假二首

松濤聲裏愛山居。好鳥常來俗客疏。閒淪新茶香滿袖。白瓷小盞紫砂壺。
當窗竹枕配籐床。午睡何嫌夏日長。彈罷銀箏摩罷玉。案頭猶裊一爐香。

遊台灣日月潭八首

四面峯巒欲觸天。清波萬頃好搖船。停橈珠嶼磯頭坐。數朵彩雲夕照邊。
樓臺疊疊閣重重。畫棟雕甍氣象雄。喜宿一宵

破奇謎。教師會館匹皇宮。
分明潑墨米家圖。水面空濛山有無。隨興呼船
東岸去。杵歌社舞賞番姑。
淺絳衫裙緣黑邊。烏毛插帽帕披肩。山番少女
情如火。拉客同遊只為錢。
青龍山麓起浮圖。鐘韻鼓聲滿霽湖。此是唐僧
藏骨處。流連不獨釋迦徒。
幽香一縷入窗來。移步寺欄望眼抬。未料天涯
有老友。卅年重見嶺頭梅。
晨飛煙霧暮颺風。水態山容變幻中。最趣徜徉

日光裏。遙看對岸雨溟濛。
台中佳境舊曾諳。兩日盤桓日月潭。臨上歸途
幾回首。戀予山水似江南。

教師節偶感二首

聖賢千載講慈悲。猶見萬方豎戰旗。老朽教師
費唇舌。只如耳畔清風吹。
半生牛角鑽尖端。陡羨愚夫天地寬。笑語求知
諸學者。學賢容易學愚難。

韓都遊故宮

三韓舊殿久低徊。冠帶紛紛上玉臺。我亦長生
千歲客。今朝又到唐朝來。

仁川港西眺

仁川古港漢時通。黃海滔滔夕照紅。卅載中華
剩春夢。天邊一髮望山東。

漢城孔廟

大殿庭前石徑紆。老槐屈曲草平鋪。天涯孔廟

偏存古。匾額題詞是宋儒。

逛書畫筆墨市場

盛唐風物見遙疆。書畫琳琅掛滿牆。終日流連
安國洞。紫毫吐絲墨生香。

國立國樂院彈箏

樂部雕門趁夜開。太常許我一登臺。箏聲乍盡
掌聲起。國手紛紛道賀來。

韓人索書者甚衆

興至揮毫驚四鄰。韓王殿畔漢江濱。歐陽死後
經千載。價重雞林又一人。

偕漢城儒學會長梁大淵教授遊城郊二首

覆孔聲中一事奇。天涯儒學有宗師。相携直上
南山頂。太極飄揚看大旗。
漢江九曲水泱泱。回首中原轉自傷。文物千秋
浪淘盡。斯民猶着漢衣裳。

日本故都奈良

古宮唐樂有遺材。不負間關萬里來。最是櫻花
知敬客。東風一夜滿城開。

天理市天理教祭典

太鼓三通絃管鳴。萬人神殿起歌聲。烏衣教長
宣天理。欲為人間掃不平。

遊東大寺

西廊步盡轉南墀。古漆斑斕上殿梯。到此誰能

逞豪氣。巍峨大佛尚低眉。

奈良寶物殿

梅花古劍發光芒。鼙鼓丈餘鎮正堂。唐代威風成一夢。獠牙猶見蘭陵王。

春日大社

祭禮經旬尚未停。女巫列隊舞錦鈴。回頭日落雕簷下。千萬神燈數不清。

京都

長安縮影是京都。勸酒麗姬着古襦。更有風光驕北郭。煙波萬頃琵琶湖。

京都金澤途中

沿湖百里鬱蒼松。金澤京都一軌通。客裏光陰原易過。車窗景物更匆匆。

金澤舊藩侯邑

尾山神社草芊芊。燈塔揚輝四百年。當日藩侯

今廢盡。奔騰如舊是犀川。

天德院

明代浮圖曹洞宗。高泉遺墨色猶濃。料是晨來
天女舞。前園陣陣散花風。

偕梁在平教授訪金澤承鈴木君殷勤招待

邊城訪古伴時賢。三日奔馳入錦筵。豈獨人情
斯地暖。芳郊到處有溫泉。

宿山莊

湯湧山莊春意濃。偷閒一宿萬愁空。清晨徐步
巉巖下。處處櫻花處處松。

大阪賦歸

櫻花落盡上歸途。大阪機場雨似酥。踏遍名城
三十六。何妨作賦擬三都。

一九七四年暮春理稿

薇齋詩

陳蕾士著

出版：香港書店 (HONG KONG BOOK STORE)

地址：香港大道東 118 號六樓 A 座

118 Queen's Road East 5th Floor

Block A, Hong Kong

電話：5-273802

承印：藍馬柯式印務公司

電話：5-7903443

定價港幣：拾元

